


Just Sayin'

I kōrero tahi mātou ki te hunga rangatahi e māraurau ana ki te whai ama whakawhiti, kia mārama ai ki ngā āhuatanga o ō rātou nā ao, otirā ki ngā huarahi ka taea e pai ake ai tā Oranga Tamariki tautoko i tā rātou whakawhitinga ki te motuhaketanga ka puta ana i ngā momo taurimatanga. Anei ko ētahi o ngā kitenga matua i puta i te rangahau patapatai, e miramira nei i ngā āheinga kia kaha ake te tautokohia atu o rātou.

Ngā rongotanga a ngā rangatahi e māraurau ana e pā ana ki te tautoko a ō rātou Ama Whakawhiti, a ō rātou Tauwhiro anō hoki



Ngā pānga o ngā ratonga tautoko whakawhitinga ki te rangatahi:

Ko tā te rangatahi mai ki a mātou, e uariatia ana e rātou te tautoko atu a ō rātou ama whakawhiti. E ai ki a rātou, nā te whai ama whakawhiti e whakapono atu nei rātou, hei taituarā, hei pouwhirinaki anō mō rātou, i whai hua ai rātou i ō rātou nā ao. I whakamiha hoki te rangatahi ki ngā momo tautoko motuhake e whai nei ki te whakawhanake i ngā pūkenga mō te oranga, i tautoko i a rātou kia whai mahi, kia ako rānei, kia whai wāhi noho, kia whai tautoko anō hoki mō te hauora hinengaro. E ai ki te nuinga o te hunga i āta whakatau kia kore ai e whai wāhi atu ki te Ratonga Tautoko Whakawhitinga, i pērā rā rātou i te mea i te noho motuhake kē rātou.

He kōrero nā tētahi ama whakawhiti:

“E whakamānawa ana ahau i ngā mōhiohio... kia mōhio ai au ka haumaruru ahau i roto i aku mahi. Nō nā noa nei au i rongō ai kua whakaatu tētahi o ngā rangatahi e tautoko nei au i ētahi tū whanonga, nō reira mōku ake, koirā tētahi o ngā āhuatanga ka tirohia e au. Me i a au ēnei mōhiohio, ka kimihia e au ngā momo taunakitanga, ngā mea rānei me mōhio au e haumaruru ai au i aku mahi, otirā, e haumaruru ai te rangatahi. Me i a au ērā mōhiohio, ka taea e au te whakaū ngā mahere haumaruru pakari.”

Te hiranga o te whakarite i tētahi mahere whakawhitinga:

37%

Ko tōna (37%) o te hunga rangatahi i kī mai e māharahara ana, e tino māharahara ana rānei rātou ki tētahi āhuatanga, tae ana ki

te anamata me te whai i te motuhaketanga, ki te whai mātauranga, ki te whai mahi anō hoki, otirā ki te hauora hinengaro. Ko tā ngā kaimahi whakawhiti mai ki a mātou, he mea tino whai tikanga te whakarite me te whakaū i ngā mahere whakawhitinga kia arohia ai ngā māharahara me ngā matea o te rangatahi. I kaha te whakaritea o ngā mahere whakawhitinga i runga i te whakaaro he whānui ngā mōhiohio, i tutuki hoki te tukuhanga a ngā tauwhiro nō Oranga Tamariki i runga i te wairua pai kia mārama ai ngā ama whakawhiti ki ngā matea o te rangatahi, kia haumaruru anō ai tā rātou kawē i a rātou anō.

79%

(79%) o te hunga rangatahi i māia ki te kōrero ki ō rātou ama whakawhiti e pā ana ki ō rātou māharahara, ka mutu, he tokomaha rātou i āta

whakamārama i te āhua i tautokohia ai rātou. He tohu tēnei, i tōna whānuitanga, i te arohia ō rātou matea.

Te hauora hinengaro:

38%

Ko tōna (38%) i mea ake i rangona ngā taimahatanga ā-oranga hinengaro

Ahakoa i tika te tautokona o te nuinga o te rangatahi, ko tōna hautoru i mea ake i rangona ngā taimahatanga ā-oranga hinengaro (38%), i kaha rānei te rangona o ngā uauatanga mau roa e hāngai ana ki te oranga kare ā-roto, ki te oranga hinengaro rānei (36%). Ko te nuinga o te rangatahi i mea ake i taea tā rātou whai wāhi atu ki ngā tautoko ā-hauora e tika ana, engari arā tonu te tokoiti i mea ake me uaua ka toro atu ki tētahi rata, ki tētahi nāhi rānei nā runga i ngā āraitanga hauora hinengaro, i te korenga o tētahi momo waka hari, otirā, i te āhua o te utu ki ngā tākuta. Arā tonu pea he huarahi e taea ana kia kaha ake te tautoko i tēnei kāhui rangatahi iti e whai wāhi atu ai rātou ki ngā ratonga tautoko hauora e tika ana, otirā, e rāwaka ana.

“E WHAKAPONO ANA AHAU KI TAKU AMA WHAKAWHITI, KA MUTU, E MŌHIO NEI AU KI TE HIA ĀWHINA, KI TE HIA KŌRERO RĀNEI AU, KO IA HEI TAITUARĀ.”

“E RONGO ANA AU I TE WAIRUA PAI, ĀNO HE HOA, EHARA I TE MEA HE PĒRĀ RAWA I TE MĀMĀ ENGARI KA TUKUNA MAI E IA ŌNA TŪTOHUNGA, Ā, KA AROHIA E AU.”

“KA KOTAHĪ ATU MĒNA AU KA ĀWANGAWANGA, KA MĀHARAHARA RĀNEI, Ā, KA ĀHEI TAKU TONO ĀWHINA.”

“E KITE ANA AU I AHAU ANŌ HEI KAIPAKIHI RATONGA WHAKAATAAHUA, ME ĀKU ANŌ KIRITAKI. HE KAIWHAKAHAERE PAKIHI.”

“E MAHI UKIUKI ANA KI TE PENAPENA PŪTEA KIA WHAI MONI TĀPUI AI MŌ TE HOKO WHARE.”

“E WHAI ANA I TAKU TOHU PAERUNGA. KO TE MANAKO IA KUA TAU Ā-WĀHI NEI, Ā-MONI NEI ANŌ HOKI!”

Ngā manako mō te anamata:

75%

o te hunga rangatahi i mea ake a ngākau rorotu ana rātou ki te anamata

Waihoki i āta whakahuatia e rātou ētahi whāinga maha, e hāngai ana ki ā rātou mahere mō te mahi me te ako, mō ō rātou tūmanako mō ō rātou whānau, mō te anamata, mō te whai whare, otirā, mō te āhua o te noho i ō rātou nā ao. He tokomaha tonu i kī ake me ako e rātou ngā pūkenga whai oranga hei āwhina i a rātou ki te whakatutuki i ēnei whāinga, pēnei i te hautū waka, i te tunu kai, i ngā pūkenga pāpori, me te tiaki moni. Ko ētahi atu i pīrangī ki te whai pūkenga pērā i te noho takatū ki te mahi me te uru ki te whare wānanga, i ngā pūkenga whakatupu tamariki, i ngā pūkenga hauora hinengaro, i ngā pūkenga pakihī, me te tūhono anō ki tō rātou ahurea.

Ngā matea tērā i ngā momo āwhina e tukuna ana:

Mā te aro ki te āhua o tā te ama whakawhiti tautoko i te rangatahi, tērā i ngā pūkenga i hiahia te rangatahi kia ākona e rātou ka kitea he wāhi tonu e taea ana ētahi anō momo tautoko te whakarite, ina koa mō te whakawhanake i ngā pūkenga whai oranga, whai mātauranga, whai mahi anō hoki. Ko te whai mahi tētahi aronga matua mā te rangatahi. O ērā kāore ō rātou tūranga mahi whai utu, e 98% i te hia mahi, waihoki, e 73% o te hunga he tūranga mahi whai utu ō rātou, i hiahia kia nui ake ngā hāora mahi.

Ngā whakautu ki ngā pātai tuwhera, “He pēhea te āhua o te āwhina a tō ama whakawhiti i a koe?” tēnā i ngā momo pūkenga e hiahia nei te rangatahi ki te ako kia āwhina i a rātou ki te whakatutuki i ā rātou whāinga.



= He pēhea te āhua o te āwhina a tō ama whakawhiti i a koe?

= Ngā pūkenga i hiahia te rangatahi ki te ako kia āwhina i a rātou ki te whakatutuki i ā rātou whāinga.

Te paremata a Oranga Tamariki

I tīmataria te Ratonga Tautoko Whakawhitinga i te 1 o Hūrae, i te tau 2019, me te aha, kua koni atu i te kotahi tau te pakeke. He mea whakarite whai muri i te kaha wānanga ki te rangatahi e pā ana ki ngā momo tautoko e hiahiatia ana ka puta ana i ngā taurimatanga. E ngākau titikaha ana mātou ki te rongō i ngā whakaaro o te rangatahi, ā, ko tēnei rangahau patapatai te huarahi tuatahi i taea ai e te rangatahi te whakaputa ō rātou whakaaro mō tōna ahunga.

E whakawhētai ana mātou ki ngā rangatahi katoa i whai wāhi mai. Ko tētahi o ngā mea matua i rangona, he āhua nui, he nui rawa rānei ngā māharahara o te tokomaha o te rangatahi e pā ana ki ngā āhuatanga ka tūpono hua ake ka eke ana ki te 18 tau. E rua ā mātou mahi hei whakatika i tēnei āhuatanga.

- Ka mahi tahi ki te rangatahi, āta whakamahere ai i ngā mea e hiahiatia ana ka puta ana i ngā taurimatanga.
- Ka whai kia wawe ake tā ngā ama whakawhiti whai wāhi ki te tukanga kia takatū ake ai te rangatahi, kia whai tangata anō ai rātou hei hoa kōrerorero i ō rātou māharahara.

I rongō hoki mātou e uariatia ana e te rangatahi te tautoko a ō rātou ama whakawhiti. Ka mātua whai mātou kia whakamōhiohia katoatia ngā rangatahi e māraurau ana ki ngā āheinga o te Ratonga Tautoko Whakawhitinga, kia tonoa anō hoki rātou ki tētahi ama whakawhiti mēnā koinā tā rātou e pīrangī ana.